

DEMASIADO BUROCRACIA DI HULANDA TIN PROYECTO DI VILLAGE TRANCA

ORANJESTAD (AAN) -- Mientras cu F.C.C.A lo tin un bon bista pa cuminzamento di otro aña caba, pa cu e necesidadnan cu tin riba tereno di vivienda, y lo por duna conseho na gobierno cual lo ta e mihor sistema pa introduci na Aruba y cual no ta cumbini e pais, tin un proyecto cu a cay afo. Esaki

ta e cas pa "esnan cu no tin dak" cu tabata parti di e proyecto di construccion di cas na Village, cual en termino general ta un tiki wanta ainda.

Ta asina aki cu Hulanda tabata tin su dudanan con e cas pa "esnan sin dak" lo bay worde opera.

Por corda cu F.C.C.A tabata

encarga solamente cu e construccion di e cas mientras cu Sociale Zaken mester a bay encarga su mes cu e maneho di e lugar.

E parti aki a trese un poco pregunta cerca Hulanda (KABNA) cu no tabata sigur cu e proyecto tabata bon pensa y cu lo a funciona di manera adecua. Te ainda nan tin cierto dudanan al respecto y pa no keda discuti largo tempo riba un fase di un proyecto global cu por a tranca full e proyecto di finalizacion di Village (casnan di pueblo), a dicidi di aparte for di otro, pa sigui cu e construccion di e 100 casnan cu tin planea na Village, y aproba esaki y sigui cu un discusion separa tocante e cas pa "esnan cu no tin dak" (drogadicto, mamanan soltero, y otro adultonan cu pa un of otro motibo no tin lugar pa biba).

Recientemente F.C.C.A tabata tin un conversacion cu un delegacion di

KABNA, pero ta asina aki cu ainda no a yega na un aprobacion di e proyecto di Village, loke segun e punto di bista di Drs. Frank Hoevertsz, director di F.C.C.A ta algo frustrante.

Esaki pa motibo di e tramitenan burocractico cu ta hopi largo y hasta fastioso pa e instancia cu mester continua cu e desaroyo aki.

E problema ta e proyecto aki ta hopi na man di gobierno Hulandes tambe, unda cu tambe e buracracia Hulandes ta hunga un rol.

E proyecto definitivamente ta bay door, segun Hoevertsz ta bisa, y no ta cu e proyecto riba su mes ta worde cuestiona, pero e ta pega na "e otro banda di Oceano" y e, personalmente no ta mucho contento con e tramitacion ta bayendo.

ALTERNATIVA: E alternativa, segun Hoevertsz ta, evalua e proyecto riba su totalidad. Full e alocacion di placa di Ayudo pa De-

saroyo, segun Hoevertsz no ta bayendo di un manera adecuado.

Supuestamente F.C.C.A mester tin e maneho di e proyecto, pero pa cada fase di dje, e mester tin un aprobacion di Hulanda. Consecuentemente Hulanda ta dicidi hunto cu F.C.C.A, esey pasobra ta Hulanda su placa.

Director di F.C.C.A ta pensa cu tin otro manera di acepta e proyecto. Esaki si Hulanda ta dune e placa na su man pa ehecuta e proyecto, aunque e pone un cantidad di accountnan eherce un control pisa riba dje y si e ta haci malo sancione. Pero dune e libertad pa traha riba e ehecutacion di e proyecto aki.

"Mi kier paga all the way pa mi trabao, pero lagami haci mi trabao" Hoevertsz ta expresa, agregando cu e no ta sinti su mes e manehador di e proyecto, pasobra ta otro ta manehe y e no tin control riba e proyecto aki.

ARUBA TA OFRECE E MIHOR OFERTA DI E REGION DEN E TEMPORADA TRANQUIL

ORANJESTAD(AAN) -- Aruba a haya un tremendo promocion den Copley News Service.

E articulo aki a sali publica dia 11 di November 1994 y a ser redacta pa señor Philip Sousa di Copley News Service. Den e articulo aki, Aruba ta haya un promocion tremendo pa e temporada tranquil (off season).

Señor Sousa den su articulo, cu por cierto a cubri practicamente un pagina, ta enfoca hopi ariba e oferta pa "off-season".

Sousa a describi Aruba su clima, su localidad, su historia, e excelente hospitalidad di e Arubianonan, e playanan, e golf project, e casinonan y specialmente e oferta special na algun du-

CAMA DI ASFALT NA BLUMOND TAMBE

ORANJESTAD (AAN): Awor na Blumond tambe un homber a dicidi di drumi riba caretera, cu ta sumamente peligroso. Den pasado tabata tin varios caso caminda un Cama di Asfalt tabata tin consecuencia fatal.

Polis a logra di lanta e homber di inicial E.C. di 51 aña di edad for di e caretera pa su seguridad y pa otro. A worde nota cu el a dal bitter posiblemente di mas cu a pone dicidi di cay y drumi riba caminda. Polis a scual e y a bahe na su cas pa evita lamento.

rante e temporada abao, manera na Sonesta, Radisson, Bucuti y La Cabana.

E articulo ta buta Aruba den publicidad como e isla di e region Caribense cu ta ofrece e mihor ofertanan den e temporada abao.

NOS FBI CRIYOYO !!!

